



Broj: 01-02-1-692/23
Datum: 13-01-2023

Na osnovu člana 22. Statuta Zavoda zdravstvenog osiguranja Kantona Sarajevo ("Službene novine Kantona Sarajevo", br. 4/00,18/02, 30/08, 11/12, 15/13 i 9/22), te čl. XVI Odluke o listi lijekova KS ("Sl.novine KS" br. 43/18, 11/21 i 47/22) Direktor Zavoda zdravstvenog osiguranja Kantona Sarajevo donosi

У П У Т С Т В О

- (1) Ovim Uputstvom bliže se definišu uvjeti, prava i obaveze pri korištenju dodijeljene petoznamenkaste šifre, kao i način izdavanja privremenih šifri u slučajevima kada zamjenu odsutnog ljekara vrši ljekar koji ne posjeduje šifru.
- (2) Lijekove na recept propisuje ovlašteni doktor medicine, doktor stomatologije, odnosno porodični doktor u primarnoj zdravstvenoj zaštiti, te ovlašteni doktor specijalista u primarnoj zdravstvenoj zaštiti i ovlašteni doktor, specijalista zaposlen u hitnoj medicinskoj pomoći.
- (3) Ovlašteni doktori propisuju lijekove sa pozitivne liste lijekova Kantona Sarajevo, ukoliko zdravstvena ustanova odnosno privatna praksa u kojoj su zaposleni ima zaključen ugovor sa Zavodom zdravstvenog osiguranja Kantona Sarajevo (u daljem tekstu: Zavod).
- (4) Listu ljekara ovlaštenih za propisivanje lijekova sa Liste lijekova utvrđuje Zavod, a na prijedlog zdravstvenih ustanova primarne zdravstvene zaštite u čijoj je nadležnosti propisivanje lijekova na recept.
- (5) Prijedlog ljekara ovlaštenih za propisivanje lijekova sa pozitivne liste lijekova Kantona Sarajevo ugovorne zdravstvene ustanove primarne zdravstvene zaštite upućuju Zavodu zajedno sa pratećom dokumentacijom koja potvrđuje osnov za uključivanje na listu ovlaštenih ljekara propisivača (ugovor o radu, saglasnost Ministarstva zdravstva Kantona Sarajevo ili druga dokumentacija koja potvrđuje osnov za uključivanje na listu ovlaštenih ljekara propisivača).
Zavod zadržava pravo traženja dodatne dokumentacije u zavisnosti od aktuelne regulative na području Kantona Sarajevo.
- (6) Ovlaštenim ljekarima iz stava 4. ovog Uputstva Zavod dodjeljuje petoznamenkastu šifru, koja je sastavni dio naljepnice sa bar kodom ovlaštenog ljekara, kao i pristupni račun za propisivanje elektronskih recepata u okviru integralnog informacionog sistema. Dodjeljena šifra je sadržana i u faksimilu ljekara ovlaštenog za propisivanje lijekova.
- (7) Zdravstvena ustanova je dužna obavijestiti Zavod odmah i bez odlaganja, a najkasnije u roku od 3 (tri) dana, o svakoj promjeni radno-pravnog statusa i/ili dužem odsustvu ljekara propisivača (duže bolovanje, neplaćeno odsustvo, period specijalizacije ili drugo) radi stavljanja šifre i pristupnog računa za propisivanje elektronskih recepata u okviru integralnog informacionog sistema van upotrebe (ukidanja) ili stavljanja u status mirovanja.
- (8) U slučajevima kada zamjenu odsutnog ovlaštenog ljekara vrši ljekar koji ne posjeduje šifru, Zavod će dodjeliti privremenu šifru na osnovu obrazloženog prijedloga ugovorne zdravstvene ustanove koji sadržava prateću dokumentaciju iz stava 5. ovog Uputstva kao i vremenski period važenja privremene šifre. Zavod će u periodu važenja privremene šifre za zamjenskog ljekara istovremeno staviti u status mirovanja šifru odsutnog ljekara, te istu ponovo aktivirati nakon

Adresa: Ložionička br. 2, 71 000 Sarajevo

ID broj: 4200178560003, PDV broj: 200178560003, Broj upisa u sudski registar: 65-05-0051-12,
Depozitni račun broj: 154-921-2014617245, Glavni transakcijski račun broj: 154-921-20146171-48,

Transakcijski račun broj: 134-001-11100067-72

Tel. +387 33 72 52 00, +387 33 72 52 07, Fax +387 33 72 52 98, +387 33 72 52 52

e- mail: info@kzzosa.ba kabinet@kzzosa.ba

ukidanja privremene šifre. U slučaju da zdravstvena ustanova ne može odrediti tačan period potrebnog važenja privremene šifre, Zavod će istu ostaviti aktivnom sve do dostavljanja prijedloga za ukidanje od strane ugovorne zdravstvene ustanove.

- (9) Prilikom izdavanja tzv. papirnatih recepata, napljenica sa bar kodom ovlaštenog ljekara obavezno se stavlja na obrazac recepta.
- (10) Prilikom elektronskog propisivanja recepta, ljekar-propisivač dužan je da prati sigurnosne politike, upute i instrukcije Zavoda i implementatora informacionog sistema, te je isključivo lično odgovoran za upotrebu vlastite šifre i pristupnog računa za propisivanje elektronskih recepata u okviru integralnog informacionog sistema, uz obavezu primjene dužne pažnje kako istu namjerno ili iz nehata ne bi učinio dostupnom trećim licima.
Prilikom elektronskog propisivanja recepta, ljekar propisivač dužan je da prati smjernice u propisivanju terapije, da obavezno navodi po čijem nalazu specijaliste se terapija propisuje (u elektronskom receptu popuniti sve stavke), da izvrši uvid u prethodno propisanu terapiju, te kod hroničnih oboljenja, doziranje i količinu izdate terapije s ciljem omogućavanja smanjenja rizika propisivanja pogrešne ili nepravilno dozirane terapije, kao i praćenja zdravstvenog stanja pacijenta.
- (11) Ljekarima specijalistima bolničkog nivoa zdravstvene zaštite Zavod dodjeljuje petoznamenkastu šifru koja počinje sa karakterom A, u svrhu praćenja propisivanja lijekova.
- (12) Prilikom preporučivanja terapije ili pisanja otpusnih pisama, ljekari specijalisti bolničkog nivoa dužni su koristiti pomenutu šifru koja je sadržana i u sklopu faksimila ljekara.
- (13) Prilikom propisivanja lijekova na recept, ljekar propisivač dužan je pridržavati se svih odredbi važeće Odluke o listi lijekova KS.
- (14) Ugovorna zdravstvena ustanova – poslodavac i ljekar kojem je dodjeljena šifra i pristupni račun za propisivanje elektronskih recepata u okviru integralnog informacionog sistema isključivo su dužni i odgovorni da se skrbe o zakonitoj upotrebi šifre i propisivanju lijekova na recept u skladu sa zakonskim i podzakonskim propisima, kao i pravilima struke.
- (15) Zavod zadržava pravo periodične provjere dodjeljenih šifri i pristupnih računa za propisivanje elektronskih recepata u okviru integralnog informacionog sistema. U slučaju da se provjerom utvrde neažurna postupanja ugovornih zdravstvenih ustanova kod obavješćavanja Zavoda o svakoj promjeni radno-pravnog statusa i/ili dužem odsustvu ljekara propisivača, smatrat će se da je došlo do propuštanja u izvršavanju ugovornih obaveza od strane zdravstvene ustanove.
- (16) Kontrolu propisivanja i izdavanja lijekova sa liste lijekova provode ovlašteni inspektori Kantonalne uprave za inspeksijske poslove, kao i kontrolori Zavoda.



DIREKTOR

Mr.sci.oec.Muamer Kosovac

Dostaviti:

1. Direktor
2. Sektor za medicinske i farmaceutske poslove - Služba za farmaceutske poslove
3. Sektor za medicinske i farmaceutske poslove - Služba za medicinske poslove
4. Sektor pravnih poslova sa pet poslovnica
5. Sektor za ekonomiku i finansiranje
6. Služba za zajedničke poslove i podršku poslovanju
7. Jedinica interne revizije
8. a/a